

Wolln par vbergibt / vnd also mach alle andere der
gleychen / wie wol etlich frag vom stich mehr vorhandē
gewesen zu setzen vnd erklern / hat es ya die zeyt nicht
dulden wöln / derhalben wollest mit solchen vergut neh
men / vnd zum beschlus dieses Büchleins / folgende Re
gel mit vleis mercken.

Regula Falsi odder Position.

Wirt gesatz von zweyen falschen Zahlen / welche der auff
gab nach / mit vleis examinirt sollen werden / yn massen
das fragstück begern ist / sagen sie der warheit zu viel /
so bezeychen sie mit dem zeychen $+$ plus / wo aber zu

wenigk so schreyb sie mit dem zeychen $-$ minus ge

nant / Als dann nym eyn lügen von der andern / was do
bleybet behalt fur deinen teylet / multiplicir darnach
ym creutz ein falsche zal mit der andern lügen / nym ey
nes vom andern / vnd das do bleybet teyl ab mit furget
machten teiler / so kömet berichtung der frag / leugt aber
eyn falsche zal zu vil / vnd die ander zu wenigk so addir
zusamen die zwo lügen / was do kömet ist deyn teylet /
Darnach multiplicir ym creutz / Addir zusamen vnd teil
ab / so geschicht auff lösung der frag / Als folgende ex
empel grüntlich erleutern werden.

Item einer spricht / Gott grüß euch gesellen al. 30. ant
wort einer / wann vnser noch souil / vnd halb so viel
wern / so wern vnser. 30. Die frag wie vil yhr gewesen /
Machs also nym fur dich ein zal die ynn halb geteylt /
mag